



ԼԵՌՆԱՅԻՆ ՂԱՐԱՔԱՂԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

26 նոյեմբերի 2007թ.

N 522

ք.Ստեփանակերտ

ՕԶՈՆԱՅԻՆ ՇԵՐՏԸ ՔԱՅՔԱՅՈՂ ՆՅՈՒԹԵՐԻ ՆԵՐՄՈՒԾՄԱՆ ԱՆՀԱՏԱԿԱՆ ՉԱՓԱՔԱՆԱԿՆԵՐԸ ՍԱՀՄԱՆԵԼՈՒ ԿԱՐԳԸ ՀԱՍՏԱՏԵԼՈՒ ՄԱՍԻՆ

Համաձայն «Օզոնային շերտը քայքայող նյութերի մասին» Լեռնային Ղարաբաղի Հանրապետության օրենքի 4-րդ հոդվածի 3-րդ մասի՝ Լեռնային Ղարաբաղի Հանրապետության կառավարությունը **որոշում է**.

1. Հաստատել օզոնային շերտը քայքայող նյութերի ներմուծման անհատական չափաքանակները սահմանելու կարգը՝ համաձայն հավելվածի:

2. Սույն որոշումն ուժի մեջ է մտնում պաշտոնական հրապարակման օրվան հաջորդող տասներորդ օրը:

ԼՂՀ ՎԱՐՉԱՊԵՏ

Ա. ՀԱՐՈՒԹՅՈՒՆՅԱՆ

ԿԱՐԳ

ՕԶՈՆԱՅԻՆ ՇԵՐՏԸ ՔԱՅՔԱՅՈՂ ՆՅՈՒԹԵՐԻ ՆԵՐՄՈՒԾՄԱՆ ԱՆՀԱՏԱԿԱՆ ՉԱՓԱՔԱՆԱԿՆԵՐԸ ՍԱՀՄԱՆԵԼՈՒ

I. ԸՆԴՀԱՆՈՒՐ ԴՐՈՒՅԹՆԵՐ

1. Սույն կարգով կարգավորվում են օզոնային շերտը քայքայող նյութերի ներմուծման անհատական չափաքանակները սահմանելու հետ կապված հարաբերությունները:

2. Օզոնային շերտը քայքայող նյութերի ներմուծման անհատական չափաքանակը սահմանում է Լեռնային Ղարաբաղի Հանրապետության կառավարությանն առընթեր շրջակա միջավայրի և բնական ռեսուրսների վարչությունը (այսուհետ՝ լիազոր պետական մարմին)՝ Լեռնային Ղարաբաղի Հանրապետության կառավարության կողմից տվյալ տարվա (այսուհետ՝ հաշվետու տարի) համար սահմանված ընդհանուր չափաքանակի հիման վրա:

3. Անհատական չափաքանակները սահմանվում են հիմնական և լրացուցիչ փուլերով: Անհատական չափաքանակների սահմանման լրացուցիչ փուլն իրականացվում է այն դեպքում, երբ հաշվետու տարվա համար սահմանված օզոնային շերտը քայքայող նյութերի ներմուծման ընդհանուր չափաքանակների և անհատական չափաքանակների սահմանման հիմնական փուլում սահմանված անհատական չափաքանակների գումարային մեծության միջև առաջանում է դրական տարբերություն: Անհատական չափաքանակների սահմանման լրացուցիչ փուլի իրականացման դեպքում լիազոր մարմինը սույն կարգի 6-րդ կետով սահմանված ժամկետի ավարտից հետո 5 աշխատանքային օրվա ընթացքում տեղադրում է համապատասխան հայտարարություն՝ առնվազն առավելագույն տպաքանակ ունեցող հայալեզու օրաթերթում:

4. Ներմուծողն անհատական չափաքանակներ ստանալու համար (լրացուցիչ և հիմնական փուլերում) լիազոր պետական մարմին է ներկայացնում հետևյալ փաստաթղթերը՝

1) Լեռնային Ղարաբաղի Հանրապետություն օզոնային շերտը քայքայող նյութերի ներմուծման անհատական չափաքանակի տրամադրման մասին հայտ (այսուհետ՝ հայտ)՝ համաձայն N 1 ձևի,

2) իրավաբանական անձինք՝ պետական գրանցման վկայականի պատճենը, իսկ ֆիզիկական անձինք՝ անձը հաստատող փաստաթղթի պատճենը:

II. ԱՆՀԱՏԱԿԱՆ ՉԱՓԱՔԱՆԱԿՆԵՐԻ ՍԱՀՄԱՆՄԱՆ ՀԻՄՆԱԿԱՆ ՓՈՒԼԸ

5. Ներմուծողն անհատական չափաքանակների սահմանման հիմնական փուլում չափաքանակ ստանալու համար հայտը լիազոր պետական մարմին է ներկայացնում մինչև հաշվետու տարվան նախորդող տարվա հոկտեմբերի 30-ը:

6. Սույն կարգի 5-րդ կետով նախատեսված ժամկետի ավարտից հետո 30 օրացուցային օրվա ընթացքում լիազոր պետական մարմինն ընդունված հայտերից յուրաքանչյուրի վերաբերյալ ընդունում է հետևյալ որոշումներից մեկը՝

1) հայտն ամբողջությամբ բավարարելու և հայտատուին անհատական չափաքանակ տրամադրելու մասին,

2) հայտը մասնակիորեն բավարարելու և հայտատուին անհատական չափաքանակ տրամադրելու մասին,

3) անհատական չափաքանակի տրամադրումը մերժելու մասին:

7. Սույն կարգի 6-րդ կետով նախատեսված ժամկետի ավարտից հետո 5 աշխատանքային օրվա ընթացքում լիազոր մարմինը հայտատուին գրավոր տեղեկացնում է հայտի վերաբերյալ ընդունված որոշման մասին և՝

1) սույն կարգի 6-րդ կետի 1-ին և 2-րդ ենթակետերում նշված որոշումների ընդունման դեպքում տրամադրում է չափաքանակը՝ համաձայն N 2 ձևի,

2) սույն կարգի 6-րդ կետի 2-րդ և 3-րդ ենթակետերում նշված որոշումների ընդունման դեպքում տրամադրում է չափաքանակի տրամադրումը մերժելու կամ հայտը մասնակիորեն բավարարելու մասին որոշման գրավոր հիմնավորումը:

8. Եթե անհատական չափաքանակների տրամադրման հիմնական փուլում ներկայացված հայտերով խնդրարկվող՝ օզոնային շերտը քայքայող նյութերի ներմուծման գումարային քանակությունը գերազանցում է հաշվետու տարվա համար սահմանված օզոնային շերտը քայքայող

նյութերի ներմուծման ընդհանուր չափաքանակի քանակությունը, ապա անհատական չափաքանակները տրամադրվում են մասնակիորեն, համամասնության սկզբունքով: Սույն կետում նշված՝ մասնակիորեն տրամադրված անհատական չափաքանակների գումարային քանակությունը չի կարող գերազանցել Լեռնային Ղարաբաղի Հանրապետության կառավարության կողմից սահմանված օգոնային շերտը քայքայող նյութերի ներմուծման ընդհանուր չափաքանակը:

III. ԱՆՀԱՏԱԿԱՆ ՉԱՓԱՔԱՆԱԿՆԵՐԻ ՍԱՀՄԱՆՄԱՆ ԼՐԱՑՈՒՑԻՉ ՓՈՒԼԸ

9. Անհատական չափաքանակների սահմանման լրացուցիչ փուլն իրականացվում է, եթե ներմուծման ընդհանուր չափաքանակը չի սպառվել անհատական չափաքանակների սահմանման հիմնական փուլի ավարտից հետո:

Անհատական չափաքանակների սահմանման լրացուցիչ փուլում չափաքանակները տրամադրվում են անհատական չափաքանակների սահմանման հիմնական փուլի համար սույն կարգով նախատեսված ընթացակարգով:

10. Ներմուծողն անհատական չափաքանակների սահմանման լրացուցիչ փուլում չափաքանակ ստանալու համար հայտը լիազոր պետական մարմին կարող է ներկայացնել անհատական չափաքանակների սահմանման հիմնական փուլի ավարտից հետո՝ մինչև հաշվետու տարվա հոկտեմբերի 1-ը ներառյալ:

11. Սույն կարգի 10-րդ կետում նշված ժամկետի ավարտից հետո՝ 10 աշխատանքային օրվա ընթացքում լիազոր պետական մարմինը հայտի մասին ընդունում է սույն կարգի 6-րդ կետով սահմանված որոշումներից մեկը:

IV. ՀԱՅՏԻ ՄԵՐԺՈՒՄԸ

12. Անհատական չափաքանակի (լրացուցիչ և հիմնական փուլերում) տրամադրումը կարող է մերժվել, եթե՝

1) երկիրը, որտեղից արտահանվելու են օգոնային շերտը քայքայող նյութերը, չի հանդիսանում Մոնրեալի արձանագրության (դրա համապատասխան ուղղման) կողմ,

2) հաշվետու տարվա համար սահմանված՝ օգոնային շերտը քայքայող նյութերի ընդհանուր չափաքանակն սպառվել է:

**ԼՂՀ կառավարության աշխատակազմի
ղեկավար-նախարար**

Ս. Գրիգորյան

ՀԱՅՏ

ԼԵՌՆԱՅԻՆ ՂԱՐԱՔԱՂԻ ՀԱՆՐԱՊԵՏՈՒԹՅՈՒՆ ՕՁՈՆԱՅԻՆ ՇԵՐՏԸ ՔԱՅՔԱՅՈՂ ՆՅՈՒԹԵՐԻ ՆԵՐՄՈՒԾՄԱՆ ԱՆՀԱՏԱԿԱՆ ՉԱՓԱՔԱՆԱԿԻ ՏՐԱՄԱԴԻՄԱՆ ՄԱՍԻՆ

(հայտատուի տվյալները (կազմակերպության անվանումը և գտնվելու վայրը կամ ֆիզիկական անձի անունը, ազգանունը և բնակության վայրը)

Սույնով խնդրում եմ տրամադրել 200 թվականի ընթացքում Լեռնային Ղարաբաղի Հանրապետություն օզոնային շերտը քայքայող՝ ստորև նշված նյութերը ներմուծելու անհատական չափաքանակ՝

1) ընդամենը՝ օզոնային շերտը քայքայող քիմիական նյութեր (մաքուր նյութի հաշվարկով)։

NN ը/կ	Օզոնային շերտը քայքայող նյութը				Ներմուծման անհատական չափաքանակի՝ խնդրարկվող քանակությունը (կգ)
	անվանումը	քիմիական բանաձևը	միջազգային տեխնիկական անվանումը	առևտրային անվանումը	
1	2	3	4	5	6
1.					
2.					
3.					
4.					

2) 1-ին կետում նշված քանակության սահմաններում Լեռնային Ղարաբաղի Հանրապետություն կներմուծվեն օզոնային շերտը քայքայող՝ ստորև նշված մաքուր նյութերը և օզոնային շերտը քայքայող նյութերի խառնուրդները՝

ա. մաքուր տեսքով ներմուծվող օզոնային շերտը քայքայող նյութեր.

NN ը/կ	Օզոնային շերտը քայքայող նյութը				Ներմուծման անհատական չափաքանակի՝ խնդրարկվող քանակությունը (կգ)	Երկիրը, որտեղից արտահանվելու է
	անվանումը	քիմիական բանաձևը	միջազգային տեխնիկական անվանումը	առևտրային անվանումը		
1	2	3	4	5	6	7
1.						
2.						
3.						
4.						

բ. օգոնային շերտը քայքայող նյութերի խառնուրդներ.

NN ը/կ	Խառնուրդի առևտրային անվանումը	Խառնուրդում պարունակվող՝ օգոնային շերտը քայքայող յուրաքանչյուր նյութի		Ներմուծվելիք խառնուրդի ընդհանուր քանակությունը (կգ)	Օգոնային շերտը քայքայող նյութի ներմուծման անհատական չափաքանակի՝ խնդրարկվող քանակությունը (կգ)	Երկիրը, որտեղից արտա- հանվելու է
		միջազգային տեխնիկական անվանումը (և (կամ) քիմիական բանաձևը)				
1	2	3	4	5	6	7
1.						
2.						
3.						
4.						

_____ (հայտատուի (իրավաբանական անձի
ղեկավարի) անունը, ազգանունը
կամ ֆիզիկական անձի անունը, ազգանունը)

_____ ստորագրություն

ԼՂՅ ԿԱ շրջակա միջավայրի և բնական ռեսուրսների վարչության նշումների համար

Հայտն ընդունված է 200 թվականի

- ին **Կ.Տ**

**ՕՁՈՆԱՅԻՆ ՇԵՐՏԸ ՔԱՅՔԱՅՈՂ ՆՅՈՒԹԵՐԻ՝ ԼԵՌՆԱՅԻՆ ՂԱՐԱՔԱՂԻ ՀԱՆՐԱՊԵՏՈՒԹՅՈՒՆ
ՆԵՐՄՈՒԾՄԱՆ ԱՆՀԱՏԱԿԱՆ ՉԱՓԱՔԱՆԱԿ N ____**

Տրված է _____
(ներմուծողի տվյալները (կազմակերպության անվանումը և գտնվելու վայրը կամ ֆիզիկական անձի անունը, ազգանունը և բնակության վայրը)

այն մասին, որ նրա կողմից 200 թվականի հունվարի 1-ից մինչև 200 թվականի դեկտեմբերի 31-ը ընկած ժամանակահատվածում կարող է Լեռնային Ղարաբաղի Հանրապետություն ներմուծել օզոնային շերտը քայքայող հետևյալ նյութերը՝ ստորև նշված քանակություններով.

NN ը/կ	Օզոնային շերտը քայքայող նյութը			Ներմուծման անհատական չափաքանակը՝ մաքուր նյութի հաշվարկով (կգ)
	անվանումը	քիմիական բանաձևը	միջազգային տեխնիկական անվանումը	
1	2	3	4	5
1.				
2.				
3.				
4.				
5.				

Օզոնային շերտը քայքայող նյութերի նշված քանակությունը կարող է ներմուծվել մեկից ավելի խմբաքանակներով:

Լիազոր պետական մարմնի ղեկավար _____ (ստորագրությունը) _____ (անունը, ազգանունը)

Տրված է _____ 200 թ.

Կ.Տ.